

Broj: 03-11-276-1/2021
Sarajevo, 07.04.2022. godine

**PARLAMENT FEDERACIJE
BOSNE I HERCEGOVINE**

- **Zastupnički dom -**
gosp. Mirsad Zaimović, predsjedatelj

- **Dom naroda -**
gosp. Tomislav Martinović, predsjedatelj

Poštovani,

Sukladno članku IV.B.3.7.c) (III) Ustava Federacije Bosne i Hercegovine, a u svezi sa člankom 206. Poslovnika Zastupničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i sa člankom 203. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), **radi razmatranja i donošenja, dostavljam Vam PRIJEDLOG ODLUKE O PRIHVACANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA PROJEKT MODERNIZACIJA VODNIH I SANITARNIH USLUGA**, koji je utvrdila Vlada Federacije Bosne i Hercegovine na 310. sjednici, održanoj 07.04.2022. godine.

Također, u printanoj i elektronskoj formi (CD) dostavljam:

- Informaciju o zajmu Međunarodne banke za obnovu i razvoj (IBRD) za financiranje Projekta „Modernizacije vodnih i sanitarnih usluga u Bosni i Hercegovini“,
- Nacrt Sporazuma o zajmu između Bosne i Hercegovine i Međunarodne banke za obnovu i razvoj,
- Nacrt Projektnog sporazuma između Međunarodne banke za obnovu i razvoj i Federacije Bosne i Hercegovine i
- Usaglašeni Zapisnik s pregovora između Bosne i Hercegovine i Međunarodne banke za obnovu i razvoj (IBRD) o Projektu modernizacije vodnih i sanitarnih usluga.

Prijedlog odluke se dostavlja na službenim jezicima i pismima Federacije Bosne i Hercegovine.

S poštovanjem,

Privitak: kao u tekstu na hrvatskom jeziku

**Cc: Federalno ministarstvo financija-
Federalno ministarstvo finansija
gđa Jelka Miličević, ministar**



**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

ODLUKA

**O PRIHVAĆANJU ZADUŽENJA PO UGOVORU O ZAJMU IZMEĐU BOSNE I
HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA
PROJEKT MODERNIZACIJA VODNIH I SANITARNIH USLUGA**

Sarajevo, travanj 2022. godine

Na temelju članka 40. stavak (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16) Zastupnički dom Parlamenta Federacije Bosne i Hercegovine na ____ sjednici održanoj _____ i Dom naroda Parlamenta Federacije Bosne i Hercegovine na ____ sjednici održanoj _____ d o n o s i

ODLUKU

O PRIHVAĆANJU ZADUŽENJA PO UGOVORU O ZAJMU IZMEĐU BOSNE I HERCEGOVINE I MEĐUNARODNE BANKE ZA OBNOVU I RAZVOJ (IBRD) ZA PROJEKT MODERNIZACIJA VODNIH I SANITARNIH USLUGA

I.

Prihvaća se zaduženje Federacije Bosne i Hercegovine (u daljnjem tekstu: Federacija) po Ugovoru o zajmu između Bosne i Hercegovine i Međunarodne banke za obnovu i razvoj (u daljnjem tekstu: IBRD) za Projekt „Modernizacije vodnih i sanitarnih usluga“ (u daljnjem tekstu: Projekt) u iznosu do 25.000.000,00 EUR-a od ukupno 51.500.000,00 EUR sredstava odobrenih za Bosnu i Hercegovinu.

II.

Sredstva zajma iz točke I. ove Odluke koristit će se kao podrška komunalnim poduzećima u jačanju institucionalnog, financijskog i pravnog okvira i kapaciteta u sektoru voda i komunalne djelatnosti radi osiguranja održivosti investicija u infrastrukturu. Cilj je povećanja efikasnosti rada javnih komunalnih poduzeća po općinama u Federaciji kroz niz postepenih unaprjeđenja i postizanje ekonomske održivosti komunalnih poduzeća na lokalnoj razini.

III.

Sredstva zajma iz točke I. ove Odluke, odobravaju se Federaciji pod sljedećim uvjetima:

- iznos zajma..... 25.000.000,00 EUR-a
- rok otplate.....32 godine
- grace razdoblje..... 7 godine (uključen u rok otplate)
- kamatna stopa.....šestomjesečni EURIBOR + fiksna marža
- jednokratna provizija0,25% na iznos glavnice zajma
- provizija na nepovučeni iznos zajma 0,25% godišnje
- dospjeća.....polugodišnje u jednakim otplatama glavnice
- datum plaćanja glavnice i kamata.....15. svibanj i 15. studeni svake godine.

IV.

Potvrđuje se da je razmatrana dokumentacija prihvatljiva za Federaciju, a posebno:

- Nacrt Ugovora o zajmu između Bosne i Hercegovine i IBRD-a
- Nacrt Projektnog sporazuma između IBRD-a Federacije Bosne i Hercegovine
- Nacrt Dokumenta o procjeni Projekta (PAD)
- Usuglašeni Zapisnik s pregovora.

V.

Projekt će implementirati Jedinica za implementaciju projekta, formirana u Federalnom ministarstvu poljoprivrede, vodoprivrede i šumarstva.

U razdoblju implementacije Projekta, u proračunu Federacije nije potrebno osigurati finansijska sredstva za dodatno sufinansiranje Projekta.

VI.

Daje se suglasnost za zaključivanje Supsidijarnog sporazuma između BiH i Federacije BiH za sredstva zajma iz točke I. ove Odluke.

Za potpisivanje Supsidijarnog sporazuma, ovlašćuje se federalni ministar financija – federalni ministar finansija.

VII.

Za realizaciju ove Odluke i izvješćivanje zadužuje se Federalno ministarstvo financija i Federalno ministarstvo poljoprivrede, vodoprivrede i šumarstva, svatko u okviru svoje nadležnosti.

VIII.

Implementacija Ugovora iz točke I. ove Odluke ne zahtijeva donošenje novih ili izmjenu postojećih zakona.

IX.

Ova odluka stupa na snagu narednog dana od dana objave u "Službenim novinama Federacije BiH".

O B R A Z L O Ž E N J E
PRIJEDLOGA ODLUKE O PRIHVAĆANJU ZADUŽENJA PO UGOVORU O ZAJMU
IZMEĐU BOSNE I HERCEGOVINE I MEĐUNARODNE BANKE ZA OBNOVU I
RAZVOJ (IBRD) ZA PROJEKT MODERNIZACIJA VODNIH I SANITARNIH USLUGA

I - PRAVNA OSNOVA

Pravna osnova za donošenje ove Odluke sadržana je u članku 40. stavak (4) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članku 40. stavku (5) predviđeno je da Vlada Federacije Bosne i Hercegovine nakon prihvaćanja nacrtu kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje. Ovakva izmjena zakona imala je za cilj pojednostavljenje procedure u donošenju odluka, tako da će Parlament Federacije BiH na ovaj način usvajati odluku, a ne potvrđivati ranije donesenu odluku Vlade Federacije BiH.

II - RAZLOZI ZA DONOŠENJE

Osnovni razlog za donošenje ove Odluke je zaduženje Federacije Bosne i Hercegovine po osnovi zajma kod Međunarodne banke za obnovu i razvoj za Projekt „Modernizacija vodnih usluga u BiH“ .

Donošenjem ove Odluke stvara se osnova za potpisivanje Supsidijarnog ugovora između Bosne i Hercegovine i Federacije Bosne i Hercegovine, kojim će se propisati uvjeti za davanje zajma Federaciji Bosne i Hercegovine, a koji će biti istovjetni uvjetima pod kojima Međunarodna banka za obnovu i razvoj odobrava zajam Bosni i Hercegovini.

Sredstva zajma će se koristiti za jačanje institucionalnog, finansijskog i pravnog okvira i kapaciteta u sektoru voda i komunalne djelatnosti, osiguranje održivosti investicija u infrastrukturu, povećanje efikasnosti rada javnih komunalnih poduzeća po općinama u Federaciji.

Za tehničku implementaciju Projekta zadužena je Jedinica za implementaciju projekta u okviru Federalnog ministarstva poljoprivrede, vodoprivrede i šumarstva, a krajnji dužnik po ovom zajmu je Federacija BiH.

III - OBRAZLOŽENJE POJEDINIH TOČAKA

Točka I. je nužna kako bi se prihvatilo zaduženje Federacije BiH kod IBRD-a.

Točkom II. potvrđuje se namjena utroška sredstava zajma.

Točkom III. precizirani su uvjeti zajma.

Točkom IV. potvrđuje se da je dokumentacija tijekom pregovora s IBRD-om prihvatljiva za Federaciju BiH, što je uvjet da Bosna i Hercegovina i IBRD pristupe potpisivanju Ugovora o zajmu.

Točkom V. se definira način implementacije Projekta, te da nije potrebno osigurati dodatna sredstva u proračunu Federacije za ovu namjenu.

Točkom VI. daje se suglasnost za zaključivanje Supsidijarnog sporazuma o zajmu s Bosnom i Hercegovinom i daje se ovlaštenje federalnom ministru financija da u ime Federacije potpiše iste.

Točkom VII. u okvirima nadležnosti definira se obveza za realizaciju Odluke i izvješćivanje.

Točkom VIII. potvrđuje da za implementaciju Sporazuma o zajmu nije potrebno donijeti nove ili izmijeniti postojeće zakone.

Točka IX. propisuje stupanje na snagu ove Odluke.

INFORMACIJA
O ZAJMU MEĐUNARODNE BANKE ZA OBNOVU I RAZVOJ (IBRD) ZA
FINANSIRANJE PROJEKTA „MODERNIZACIJA VODNIH I SANITARNIH
USLUGA U BOSNI I HERCEGOVINI”

Vlada Federacije BiH je na svojoj 359. sjednici održanoj 25.02.2021. godine usvojila zaključak broj V.broj: 359/2021 kojim je podržala inicijativu da se kreditnim zaduženjem kod Međunarodne banke za obnovu i razvoj (IBRD) osiguraju sredstva za realizaciju Projekta „Modernizacija vodnih i sanitarnih usluga u Bosni i Hercegovini” (u daljem tekstu: Projekat) u iznosu do cca 75 miliona USD.

Pregovori sa predstavnicima Međunarodne banke za obnovu i razvoj (IBRD) su održani video linkom dana 21.-24.09.2021. godine zajedno sa predstavnicima resornih ministarstva Federacije BiH i Republike Srpske te Ministarstva financija i trezora BiH.

Sredstva zajma za Bosnu i Hercegovinu u ukupnom iznosu 51.500.000,00 EUR-a odobravaju se Federaciji u iznosu i pod sljedećim uvjetima:

- iznos zajma..... 25.000.000,00 EUR-a,
- rok otplate.....32 godine,
- grace period.....7 godine (uključen u rok otplate),
- kamatna stopa.....šestomjesečni EURIBOR + fiksna marža,
- jednokratna provizija0,25% na iznos glavnice zajma,
- provizija na nepovučeni iznos zajma 0,25% godišnje,
- dospijeća.....polugodišnje u jednakim otplatama glavnice,
- datum plaćanja glavnice i kamata.....15. maj i 15. novembar svake godine.

Projekat ima za cilj jačanje institucionalnog, finansijskog i pravnog okvira i kapaciteta u sektoru voda i komunalne djelatnosti sa namjerom osiguranja održivosti investicija u infrastrukturu. Opći cilj projekta je predstavljen kroz održivost ulaganja u sektoru voda i komunalne infrastrukture i povećanje efikasnosti rada javnih komunalnih preduzeća u općinama u Federaciji BiH čime bi se kroz period implementacije koji bi trajao do 2028. godine postigla svrha projekta odnosno poboljšanje pristupa, kvalitete i efikasnosti pružanja vodnih usluga ciljnog okvira na temelju nivoa radne aktivnosti odabranih općina i njihovih servisnih službi što bi doprinijelo poboljšanju kvalitete života građana u Federaciji BiH u poboljšanim uvjetima u okolišu.

Ativnosti na Projektu će se provoditi kroz tri komponente:

Komponenta 1: Modernizacija regulatornog i institucionalnog okruženja što podrazumjeva implemenaciju na entitetsko-kantonalnoj razini s ciljem usklađivanja institucionalnog i regulatornog okvira vodnog sektora u smislu razjašnjavanja uloge i smanjivanje postojećeg preklapanja odgovornosti.

Provedba aktivnosti u okviru ove komponente zahtijeva osnivanje koordinacijskog tijela (Vijeće za vodu i sanitarne uvjete – eng.WASCO) na entitetskom nivou koje će koordinirati i vršiti monitoring postupka modernizacije te postaviti budući okvir ovih usluga koji bi usvojili entiteti i implementirale različite institucije. WASCO bi se dugoročno mogao smatrati regulatornim tijelom a sačinjavali bi ga: ministarstva (državna, entitetska i kantonalna), strukovna udruženja (komunalne i općinske) i agencije za vode. Uspostavljanje WASCO-a se može smatrati početnom ili fazom I procesa modernizacije, dok bi se ostale aktivnosti u komponenti 1 mogle smatrati fazom II a obje faze se također mogu odvijati paralelno.

Komponenta 2: Jačanje općinskog okvira pružanja usluga vodosnabdijevanja i odvodnje podrazumjeva aktivnosti na entitetskom / kantonalnom nivou u uskoj koordinaciji s lokalnim vlastima u svrhu razvoja jasnijeg odnosa i odgovornosti između općinskih vlada i JKP.

Program bi bio otvoren za sve lokalne samouprave u zemlji s tim da će jedan broj komunalnih preduzeća i općinskih vlada koje su spremne sudjelovati u Programu i uskladiti se s utvrđenim pravilima bit identificirani prije početka Programa. Svaka institucija može imati specifična institucionalna, finansijska ili operativna pitanja koja je potrebno rješavati da bi se izvršila modernizacija okvira pružanja usluga, uvela reforma ili usklađivanje ili da se sektor unaprijedi. Ali bi trebali ispuniti neki minimum navedenog kako bi bili primjenjivi za komponentu 3.

Kod prve dvije komponente se primjenjuje tradicionalni instrument financiranja projekta Svjetske banke (IPF) s uvjetima utemeljenim na rezultatima (RBC). Nakon primanja određenih RBC-ova subjekti će dobiti sredstva Granta na temelju učinka kao podrška lokalnim samoupravama za primjenu novog institucionalnog i regulatornog okvira koji će biti razvijen u okviru komponente 1.

Komponenta 3: Općinski investicioni projekti podrazumjevaju poboljšanje pristupa, kvaliteta i efikasnosti pružanja usluga vodosnabdijevanja i odvodnje otpadnih voda kao i izgradnju vodovodne i kanalizacione mreže, uređaja za prečišćavanje vode za piće i prečišćavanje otpadne vode.

Ova komponenta bi se provodila na razini lokalne uprave korištenjem hibridnog (zajma / grantova) financiranja za lokalne samouprave i ovaj model treba razvijati u okviru komponente 1. što podrazumjeva da lokalne samouprave (na temelju faze uspješnosti) moraju doseći određene preduvjete da bi se mogle prijaviti za finansijsku potporu. Osnovni preduvjet koje treba uzeti u obzir su potpisani Ugovori o javnoj usluzi i odobrene tarife. Zato je potrebno utvrditi model za provjeru usklađenosti s utvrđenim kriterijima a ulogu verifikacije treba prenijeti na koordinacijsko tijelo - WASCO. Moguće je verifikaciju inicijalne faze prenijeti na konsultantsku kompaniju koja će pružiti podršku širom zemlje (ili razmotriti UNDP za fazu tranzicije) sa dugoročnom vizijom za stvaranje kapaciteta u okviru WASCO-a za pružanje ove podrške.

Dosadašnja značajna podrška sektoru voda od strane međunarodnih institucija nije bila praćena adekvatnim jačanjem institucionalnog, finansijskog i pravnog okvira i kapaciteta, čime je ugrožena održivost ulaganja u ovaj sektor. Obzirom da je ovo prepoznato kao značajan problem u sektoru voda, međunarodna zajednica i razvojni partneri spremni su pružiti kontinuiranu podršku BiH kroz stvaranje povoljnog okruženje koje će osigurati održivost ulaganja. Naglašena je potreba za povećanjem i poboljšanjem efikasnosti komunalnih usluga (vodosnabdijevanja i kanalizacije, uključujući sakupljanje i prečišćavanje).

Na temelju navedenog Vlada Federacije Bosne i Hercegovine je, na 310. sjednici održanoj 07.04.2022. godine, utvrdila Prijedlog odluke o prihvatanju zaduženja po Ugovoru o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta „Modernizacija vodnih i sanitarnih usluga“.

POVJERLJIVI ISPREGOVARANI NACRT
21. septembar/rujan 2021. godine

ZAJAM BROJ _____-BA

Sporazum o zajmu

(Projekt modernizacije vodnih i sanitarnih usluga)

između

BOSNE I HERCEGOVINE

i

**MEĐUNARODNE BANKE
ZA OBNOVU I RAZVOJ**

SPORAZUM O ZAJMU

SPORAZUM datiran sa Datumom potpisivanja između BOSNE I HERCEGOVINE („Zajmoprimac“) i MEĐUNARODNE BANKE ZA OBNOVU I RAZVOJ („Banka“). Zajmoprimac i Banka su saglasni sa sljedećim:

ČLAN I — OPŠTI USLOVI; DEFINICIJE

- 1.01. Opšti uslovi (u skladu sa definicijom iz Priloga ovom Sporazumu) primjenjuju se i predstavljaju sastavni dio ovog Sporazuma.
- 1.02. Osim u slučaju da kontekst zahtijeva drugačije, izrazi pisani sa velikim početnim slovom u ovom Sporazumu imaju značenja koja su im pripisana u Opštim uslovima u Prilogu ovom Sporazumu.

ČLAN II — ZAJAM

- 2.01. Banka je saglasna da pozajmi Zajmoprimcu iznos od pedeset pet miliona jedan milion pet stotina hiljada eura (551.000.500.000 €), u iznosu u kojem taj iznos bude konvertovan sa vremena na vrijeme kroz Konverziju valute („Zajam“), za pomoć u finansiranju projekta koji je opisan u Rasporedu 1 ovog Sporazuma („Projekt“).
- 2.02. Zajmoprimac može da povuče sredstva Zajma u skladu sa Odjeljkom III Rasporeda 2 ovog Sporazuma.
- 2.03. Avansna naknada je jedna četvrtina jednog procenta (0,25%) iznosa Zajma.
- 2.04. Naknada za angažovanje sredstava je jedna četvrtina jednog procenta (0,25%) godišnje od Nepovučenog salda Zajma.
- 2.05. Kamatna stopa je referentna stopa plus Varijabilni raspon ili ona stopa koja se može primjenjivati nakon Konverzije; podložno Odjeljku 3.02(e) Opštih uslova.
- 2.06. Zajmoprimac bira da primijeni Automatsku konverziju za fiksiranje stope na Zajam. Shodno tome, bez ograničenja u odnosu na odredbe Člana IV Opštih uslova i osim u slučaju da je Zajmoprimac obavijestio Banku drugačije u skladu s odredbama Smjernica za konverziju, osnova za kamatne stope koja se primjenjuje na zbirni iznos glavnice Zajma povučen tokom svakog Kamatnog perioda će se konvertovati iz početne Varijabilne stope u Fiksnu stopu za cijeli period dospijeca takvog iznosa u skladu s odredbama Člana IV Opštih uvjeta i Smjernica za konverziju.
- 2.06. Datumi plaćanja su 15. maj/svibanj i 15. novembar/studenj svake godine.
- 2.07. Iznos glavnice Zajma biće vraćen u skladu sa Rasporedom 3 ovog Sporazuma.

ČLAN III — PROJEKT

Formatted: Not Highlight

Formatted: Not Highlight

Formatted: Not Highlight

Formatted: Not Highlight

Formatted: Not Highlight

- 3.01. Zajmoprimac izražava svoju posvećenost ciljevima Projekta. U tu svrhu, Zajmoprimac će osigurati da dio A projekta izvrši FBiH, te osigurati da dio B projekta da izvrši Republika Srpska, a sve u skladu s odredbama Člana V Opštih uslova, Rasporedom 2 ovog Sporazuma i Projektnim sporazumima.

ČLAN IV — EFEKTIVNOST, RASKIDANJE

- 4.01. Dodatni uslovi za efektivnost sastoji se od sljedećeg:

- (a) ~~naime~~, da je Subjekt koji implementira Projekt iz odjeljka 9.01 Opštih uslova osnovao svoju Jedinicu za implementaciju projekta (PIU) na način, te sa osobljem, resursima i odgovornostima koje su prihvatljive za Banku;
- (b) da su Projektni sporazum za Subjekt koji implementira Projekt koji se pominje u Odjeljku 9.01 Opštih uslova potpisale njegove strane potpisnice; i
- (c) da su Supsidijarni sporazum između Zajmoprimca i Subjekta koji implementira Projekt koji se pominje u Odjeljku 9.01 Opštih uslova potpisale njegove strane potpisnice.

Formatted: Indent: Left: 1,27 cm, No bullets or numbering

Formatted: No bullets or numbering

Formatted: Numbered + Level: 1 + Numbering Style: a, b, c, ... + Start at: 1 + Alignment: Left + Aligned at: 0,63 cm + Indent at: 1,27 cm

- 4.02. Rok za efektivnost je datum koji je stotinu osamdeset (180) dana nakon Datuma potpisivanja.

ČLAN V — PREDSTAVNIK; ADRESE

- 5.01. Predstavnik Zajmoprimca je njegov Ministar finansija i trezora.
- 5.02. Za namjene iz Odjeljka 10.01 Opštih uslova: (a) adresa Zajmoprimca je:

Ministarstvo finansija i trezora
Trg BiH 1
71000 Sarajevo
Bosna i Hercegovina; i

- (b) Elektronska adresa Zajmoprimca je:

Faks: (387-33) 202-930 Elektronska pošta: trezorbih@mft.gov.ba

- 5.03. Za namjene iz Odjeljka 10.01 Opštih uslova: (a) adresa Banke je:

Međunarodna banka za obnovu i razvoj
1818 H Street, N.W.
Washington, D.C. 20433
Sjedinjene Američke Države; i

- (b) elektronska adresa Banke je:

Teleks: Faks: Elektronska pošta:

248423(MCI) ili
64145(MCI)

1-202-477-6391

lvangelder@worldbank.org

USAGLAŠENO sa Datumom potpisivanja.

BOSNA I HERCEGOVINA

Potpis

Ovlašteni predstavnik

Ime: _____

Funkcija: _____

Datum: _____

**MEĐUNARODNA BANKA ZA
OBNOVU I RAZVOJ**

Potpis

Ovlašteni predstavnik

Ime: _____

Funkcija: _____

Datum: _____

RASPORED 1

Opis Projekta

Cilj Projekta je podržati Bosnu i Hercegovinu da (i) ojača institucionalne kapacitete u Republici Srpskoj (RS), Federaciji Bosne i Hercegovine (FBiH) i na lokalnom nivou za poboljšanje pružanja usluga vodosnabdijevanja i sanitacije, (ii) poboljša pristup uslugama vodosnabdijevanja i sanitacije kojima se bezbjedno upravlja i (iii) poboljša efikasnost pružalaca usluga vodosnabdijevanja i sanitacije u lokalnim samoupravama koje učestvuju.

Projekt se sastoji od sljedećih dijelova:

Dio A. Federacija Bosne i Hercegovine.

1. Unapređivanje institucionalnih kapaciteta za modernizaciju sektora .

(a) Podrška za reforme sektora vodosnabdijevanja i sanitacije na nivou FBiH kroz, između ostalog: (i) razvoj strategije mehanizma finansiranja za sektor vodosnabdijevanja i sanitacije koji promoviše finansiranje zasnovano na učinku; (ii) institucionalizaciju sistema referentnih vrijednosti za komunalne usluge za praćenje, analizu i pripremu izvještaja o monitoringu radi ocjene učinka pružalaca vodnih usluga u ciljanim opštinama; (iii) razvoj baze podataka o ruralnom vodosnabdijevanju i sanitaciji; (iv) pokretanje ~~nacionalnog~~ programa izgradnje kapaciteta **FBiH** za profesionalizaciju sektora, (v) razvijanje strategije za upravljanje muljem; te (vi) izvršavanje aktivnosti komunikacije o reformskom procesu i za angažman građana.

(b) Izvršavanje upravljanja projektom i koordinaciju reforme sektora kroz, između ostalog: (i) pružanje podrške za Jedinice za implementaciju projekata (Project Implementation Units - PIU) za obavljanje aktivnosti vezanih za upravljanje Projektom, uključujući monitoring i evaluaciju, (ii) izvršavanje svih zahtjeva vezanih za Projekt, uključujući revizije, obuku, upravljanje aranžmanima za životnu sredinu i socijalna pitanja, povjereničkim aranžmanima, uključujući finansiranje Operativnih troškova, (iii) sprovođenje anketa o zadovoljstvu korisnika i upravljanje mehanizmom povratnih informacija korisnika, uključujući mehanizam za rješavanje pritužbi, te aktivnosti za unapređivanje rodničkih razlika; (iv) koordinaciju i tehničko podržavanje reformskog procesa u sektoru vodosnabdijevanja i sanitacije; (v) pružanje podrške za koordinaciju i tehničko utvrđivanje reformskog procesa u srednjoročnom periodu pružajući tehničku podršku resornim ministarstvima i drugim relevantnim agencijama i tijelima; (vi) pružanje podrške vodovodnim komunalnim preduzećima pri definisanju strateških mjera za poboljšavanje efikasnosti usluga; i (vii) pružanje tehničke podrške za jedinice PIU za cjelokupnu implementaciju Projekta, uključujući sprovođenje procjena učinka uključenih vodovodnih komunalnih preduzeća, ~~definisanje strateških mjera koje treba poduzeti~~ i pripremu i pregled tehničke dokumentacije za Potprojekte.

2. Podržavanje poboljšanog rukovođenja i kapaciteta vodnih usluga na lokalnom nivou.

Podrška za reforme sektora vodnih usluga na lokalnom nivou kroz, između ostalog: (i) pripremu poslovnih planova vodovodnih komunalnih preduzeća (business plans - BP) usmjerenih na poboljšanja u organizacionim, finansijskim i operativnim oblastima vodovodnih komunalnih preduzeća za modernizaciju usluga vodosnabdijevanja i sanitacije (uključujući rodne razlike); (ii) pružanje podrške za razvoj i omogućavanje potpisivanja ~~potpisivanja~~ sporazuma o javnim uslugama (Public Service Agreement – PSA) između opština i vodovodnih komunalnih preduzeća;

(iii) pripremu tarifnih prijedloga, na osnovu zakona utvrđenih na nivou FBiH; (iv) podršku za organizaciono restrukturiranje; (v) sprovođenje izgradnje kapaciteta koji se odnose na tehnička, komercijalna i finansijska pitanja, kao i u upravljanje rizicima koji se odnose na životnu sredinu i socijalna pitanja, uključujući rodno specifična područja razvoja vještina; i (vi) unapređivanje kapaciteta vodovodnih komunalnih preduzeća da se bolje nose s efektima klimatskih promjena.

3. Unapređivanje dostupnosti usluga vodosnabdijevanja i sanitacije kojima se bezbjedno upravlja i efikasnosti pružalaca usluga vodosnabdijevanja i sanitacije.

Izvršavanje Potprojekata u skladu sa planovima BP, uključujući:

- (a) poboljšavanje učinka i efikasnosti, uključujući, ali ne ograničavajući se na implementaciju smanjenja ~~Smanjenja neoprihodovane Neoprihodovane vode~~ Vode, programe energetske efikasnosti i poboljšanja u mjernim i komercijalnim sistemima i
- (b) izgradnju, nadogradnju i modernizaciju infrastrukture vodosnabdijevanja i sanitacije, uključujući postrojenja za tretman i distribuciju vode i postrojenja za sakupljanje i prečišćavanje otpadnih voda kako bi se povećali pouzdanost i kvalitet vodosnabdijevanja i otpornost na klimatske promjene u ciljanim zajednicama.

Dio B. Republika Srpska.

1. Unapređivanje institucionalnih kapaciteta za modernizaciju sektora.

(a) Podrška za reforme sektora vodosnabdijevanja i sanitacije na nivou Republike Srpske kroz, između ostalog: (i) razvoj mehanizma finansiranja za sektor vodosnabdijevanja i sanitacije koji promovira finansiranje zasnovano na učinku; (ii) institucionalizaciju sistema referentnih vrijednosti za komunalne usluge za praćenje, analizu i pripremu izvještaja o monitoringu radi ocjene učinka pružalaca vodnih usluga u ciljanim opštinama; (iii) razvoj baze podataka o ruralnom vodosnabdijevanju i sanitaciji; (iv) pokretanje ~~nacionalnog~~ programa izgradnje kapaciteta Republike Srpske za profesionalizaciju sektora.

(b) Izvršavanje upravljanja projektom i koordinaciju reforme sektora kroz, između ostalog: (i) pružanje podrške za Jedinice za implementaciju projekata (Project Implementation Units - PIU) za obavljanje aktivnosti vezanih za upravljanje Projektom, uključujući monitoring i evaluaciju, (ii) izvršavanje svih zahtjeva vezanih za Projekt, uključujući revizije, obuku, upravljanje aranžmanima za životnu sredinu i socijalna pitanja, povjereničkim aranžmanima, uključujući finansiranje Operativnih troškova, (iii) sprovođenje anketa o zadovoljstvu korisnika i upravljanje mehanizmom povratnih informacija korisnika, uključujući mehanizam za rješavanje pritužbi; (iv) koordinaciju i tehničko podržavanje reformskog procesa u sektoru vodosnabdijevanja i sanitacije; (v) pružanje podrške za koordinaciju i tehničko utvrđivanje reformskog procesa u srednjoročnom periodu pružajući tehničku podršku resomim ministarstvima i drugim relevantnim agencijama i tijelima; (vi) pružanje podrške vodovodnim komunalnim preduzećima pri definisanju strateških mjera za poboljšavanje efikasnosti usluga; i (vii) pružanje tehničke podrške za jedinice PIU za cjelokupnu implementaciju Projekta, uključujući sprovođenje procjena učinka uključenih vodovodnih komunalnih preduzeća, ~~definisanje strateških mjera koje treba poduzeti~~ i pripremu i pregled tehničke dokumentacije za Potprojekte.

2. Podržavanje poboljšanog rukovođenja i kapaciteta vodnih usluga na lokalnom nivou.